

壬申冬季

大成會覽錄

第四十期

大成會叢錄第四十期目錄

特刊

大成會叢錄發刊十周年書感

曾 鈺

大成學校十週年紀念記

徐 炯

大成學校十週年紀念感言

徐孝開

講義

讀論語三畏章書後

郭彥謙

孟子要義 六

徐 炯

論說

兼弱攻昧取亂侮亡

李德龍

國人對於孔子心理之剖解

徐 炯



迷信與非迷信

說廉

講演

陽歷八月二十七日省文廟講演

學說

陸桴亭先生學說

顧亭林先生學說

藝文

排印四禮翼序

羅母周太夫人壽序

漢明帝論

徐炯

徐炯

徐炯

徐炯

徐炯

鄭學駒

前題

葉書麟

曾文正公論

徐孝開

制藝

中人以上至不可以語上也

武謙

子以盛之至惟綺及釜

喬樹用

子謂子產有君子之道四焉兩章

曾培

異乎三子者之撰至亦各言其志也

曾盈

專著

澗園先生文鈔

澗園隨筆

心治齋瑣言

我國積極之道德

徐炯

紀事

本會票選董事暨各部職員姓名表

附錄

古蘭縣教育局 至 告民衆書

灌縣唐馬氏殉夫

華陽縣立職業學校 至 旅行記

李文煊

大成會叢錄發刊十周年書感

曾

鑑

吳如  
華陽

天地之道經乎常聖人之道措諸時經乎常者治而不變措諸時者變而能治日月星辰天之象也聖人則之以爲文章以經緯天下是故天下治則文盛郁郁乎周之禮樂備矣天下亂則文窮於詩而得變風變雅於書而得春秋此文之變也文之變聖人無以易天亦無以易天無以易則日月異照而有食風雨戾節而示警其旨微聖人無以易則旌善懲惡以垂教筆伐口誅以匡時其說長也夫天不言而四時行聖人不得已而言其精神所接感通所至天道亦得相維於不變焉嗚呼今之世去聖人遠矣竊惟聖人復起其能已於言乎世非楊墨而其禍烈於無父無君世非釋老而其禍烈於滅性忘反此非先聖所不及料吾曹之鉅痛深恥者哉恥之而不思有以掃除之於禍患之來熟視無覩是甘爲夷狄禽獸而不恤心死已久矣可謂不仁或則厭故常而喜新奇盡棄

其學而襲異類之所爲有如自荒金穴望門行丐是不智充此不仁不智之思足以沉淪吾國人心學術於九淵而無重光之望其誰之過歟吾曹創立大成會非敢自聖非敢私已然亦何敢以愚不肖薄待當世士是以十年以來兢兢以抱殘守闕爲職志日持修齊治平之說強聒不舍期見諒於斯人未嘗一日間歲月駸駸不省逝者之如斯也今也國蹙亂滋其影響於人心學術爲禍益深矣時乎時乎揆以剝復之義將有聖人者起拯斯民而出困阨乎吾耄矣猶欲賈強聒之餘勇執偏師以從諸君子後拔異幟而奪之氣不爲吾道屈也或曰空谷足音無裨洪響盈掬之艾奚起廢疾天固未欲平治天下也天道豈真如此哉

大成學校十週年紀念記

徐

炯

子休  
華陽

壬申八月二十七日爲先師聖壽節同人皆集於大成學校七鐘禮畢前校

長徐炯氏起而言曰本會創始於戊午年距今十五年矣本校創始於癸亥年距今十年矣於癸亥年劉禹九爲衛戍司令時撥得藩庫街第八號官地一段爲本校事務所於甲子年撥得校西官地一段爲本校小學之用於乙丑年賴德祥爲省長時撥得校西北官地一段爲本校建禮殿之用於是本校之基礎粗具矣教務長徐瑛氏起而言曰此十年中本校中學已畢業十一班共得二百五十人小學已畢業七班共得一百九十八人此四百四十八名之學生皆讀聖人之經書皆教之以厚人倫重行誼嫻藝文學生之成就雖不敢知然十年中宗旨無稍變焉庶務長高樹森氏起而言曰此十年中本校共募得銀二萬一千四百七十五元四角八仙錢二千五百零七千二百文除姚劉兩先生捐建禮殿紀念教室外本校共建築校舍五十九間置校具共得一千零五具種樹共得一百八十三株種竹共得數千竿開鑿荷池一區此本校已過之情



形也國學部李德龍氏起而言曰國學會創始於前清宣統元年距今二十四年矣本會宗旨不雜佛老不營權利而惟純粹以研究國學爲事今改隸大成會除舊有書籍外大成會添若干部徐子林先生寄存若干部張先謙先生捐入若干部總共藏書得三萬四千一百一十卷本校畢業生願於國學深造者咸令入國學部焉每月繳割記一次每年會文課兩次均得投藁於編輯部登入叢錄以考其所得之淺深倘能繩繩不已十數年後或許有學行可稱之士出其中亦未可知今校長蔡家驥氏起而言曰現在公私破產國病民窮有識之人大都注重實業教育書曰厚生論語曰足食故本校於注重道德外又使之習勤勞通藝術爲將來社會上減少遊民再能深造即可爲國家開發利源此即本校永久目標之所在也於是衆教職員起而合辭言曰天子之命可革者也以天子不皆賢也 孔子之命不可革也以 孔子實生民所未有也若

革所不當革則道德淪亡較之宗社淪亡禍且百倍吾輩本良心之所主張惟以孔子之精神爲精神以維持本校維持學生維持將來之社會今如此後亦如此常如此變亦如此倘不如此獲罪於孔子矣徐炯氏曰善乃退而爲之記

### 大成學校十週年紀念感言

徐孝開

天一華陽

自古賢人君子生當天下大亂見時之不可爲輒偕二三契好於山野之間讀書講學爲後世開太平宋之白鹿洞明之東林書院皆是也嗚呼大成學校之設意在斯乎意在斯乎吾人何敢讓焉夫功不必皆已出効不必見於今日因種於前果結於後苟百歲後逢剝復之期有人能遵吾說而行亦猶夫吾說之行於今日也善乎姚姪傳之言曰明室士大夫維持綱紀久而後亡蓋宋儒論學之功夫明之去宋遠矣及其將亡乃知數百年前老師宿儒論學之功以是

推之吾校之昌明聖教後人必受其賜可斷言也蓋一治一亂循環之理諸君子深知此故故急急作育人材以備他日撥亂反正之用十年以來不敢告勞且外受狂悖之毀內感經費之困險阻艱難備嘗之矣豈非所謂獨立不懼避世無悶者邪晚近以來藉建學而營利者往往而有甚或樹立派別黨同伐異初不過假學校之名以濟其私是皆有所爲而爲者若吾校則講學之外一切不問蓋宗旨正則基礎固多歷年所良以此也雖然前此十年彈指已逝後此十年乃至百年則實有厚望於繼起之人王安石曰有志與力而又不隨以怠不怠云者不屈不撓之謂也彌困彌堅之謂也斯固吾所望於後十年百年之來者也

讀論語三畏章書後

郭彥謙

仲權  
華陽

人之立心行己 無所勸而自力於善 無所憚而自不爲惡者 上也 其次焉者 則大都有所勸而後樂於爲善 有所憚而後不敢爲惡 是故道德所不能匡飭者 名利得以羈絡之 名利所不能羈絡者 法律得以拘束之 要歸於使人有所警畏 然後有以消悖驚之氣 作惕厲之心 雖然 法律有時而窮 名利有時而盡 獨此道德之功能 彌天地亘萬世而不敝 且法律容可遁免 名利屬於外至 而道德者 布在日用行習之間 徹於幽獨隱微之地 使人徙善遠罪而不自知 茲其所以不容僭越也 讀論語三畏章 則知君子所以爲君子者 只一敬字 小人所以爲小人者 只一肆字 人品高下之判別在此 人生成敗之關鍵亦在此 其發於事迹也 又息息與世之治亂 相爲翕應 若自吾人今日讀書

之體認 與更歷世務之證驗言之 則尤覺聖人之言 惛惛乎其可畏也  
蓋聖人明天之道 察民之故 憂患後世至深 其一話一言 莫不窮  
至事物之理 如皎日麗天 無幽不燭 循之則成爲上達之君子 悖之  
則成爲下達之小人 君子道長則世治 小人道長則世亂 此天壤間不  
可逃之義也 吾人生此叔季澆訛之世 末由與古聖人之精神語笑相接  
猶幸代聖口以傳之千百禩者 有六經焉 殆天之陰隲下民 不忍芸  
芸萬衆 相隨墮坑落壑 自同於跋行喙息之儔 爰俾聖人發爲言論  
著之琬琰 以開沉迷 示途軌 心至苦 事至盛也 故凡聞聖人之言  
而真知敬畏者 是謂天牖其衷 聞聖人之言而縱肆自如者 是謂天奪  
其魄 今且不必爲廣心博鷺之事 而但約舉耳目衆著盡人誦習之經訓  
已足見聖言之陶鑄羣倫 無微不綜矣 其在易曰 負且乘致寇至

負也者小人之事也 乘也者君子之器也 小人而乘君子之器 盜思奪之矣 上慢下暴 盜思伐之矣 夷考歷代戰伐紛綸焚轟相斫之所由 有能外此者乎 其在書曰 四海困窮 天祿永終 又曰亂其紀綱 乃底滅亡 夷考歷代顛蹶相尋 方隅圯裂之所由 有能外此者乎 至如禮記一書 文繁義博 不能悉得聖人之旨 亦不必盡爲聖人之言 然禮運篇所云壞國喪家亡人 必先去其禮 禮器篇所云君子之行禮也 不可不慎也 衆之紀也 紀散而衆亂 又經解篇所云以舊禮爲無所用而去之者 必有亂患 故昏姻之禮廢 則夫婦之道苦 而淫辟之罪多矣 夷考歷代政象混棼 紛不可治 以及近頃俗化之日入於敝 有能外此者乎 若此之倫 未易悉引 此而可侮 孰有可畏 吾豈不知夫世之賊經蔑聖 恣睢橫肆 敢爲謬論以自炫鬻者 其肺肝作何狀 又

不知此輩非聖無法 苟以取悅於狂躁悖妄之徒 其所得究幾何 况是  
 章所謂畏聖人之言者 其言乃出自孔子 以孔子之聖 而於往聖之言  
 猶兢兢致畏 則彼略無忌憚之小人 非惟可恨 抑亦可憫 然則何  
 以救其弊乎 曰計惟有尊孔讀經 計惟有聯結同志以尊孔讀經 計惟  
 有倡導全國之人 羣起以尊孔讀經 蓋六經者 道德之源泉 四書者  
 又六經之階梯 時時誦習 時時玩索 斯怵惕維厲 向善背惡之心  
 油然而生矣 不然 其何能淑 載胥及溺 受其禍者 寧獨無忌憚之小  
 人哉

孟子要義 六

徐 炯 子休 華陽

秦未統一 山東山西 一列國之局也 全球未統一 亞洲歐洲 亦一  
 列國之局也 國有大有小 有強有弱 有分有合 有興有亡 戰國之

時 若滕若薛 若鄒若魯 若吳若越 若鄭宋諸國 類皆不保其社稷  
而溯其所以致亡之原因 則一言以蔽之曰無道 道在仁 不仁則行  
政苛暴 道在智 不智則舉措乖張 道在勇 不勇則行兵畏葸 不仁  
不智不勇如此 縱使統一 如夏 如商 如周 如晉 如宋 然而桀  
之無道 不得不亡 紂之無道 不得不亡 幽之無道 不得不亡 晉  
之無道 不得不亡於五胡也 宋之無道 不得不侮於遼 辱於金 而  
亡於元也 上觀千古 則後此者可知矣 有國者苟不知立國之道 一萬  
不足以言交鄰之道 後世不仁之人 奮其私智 事事踵桀紂之覆轍  
以欺其國 以怒其鄰 鄰怒而來戰 遂喪精亡魄 手足無措 晉遷建  
康 宋遷臨安 處小朝廷 苟以求活 人皆笑其不智 吾則憫其不勇  
且憎其不仁 嗚呼 不仁而在高位 有昏虐而已矣 有驕淫而已矣



有狡險而已矣 即無強鄰 亦必顛覆 况虎狼四偏 豈有幸哉 豈

有幸哉 吾讀齊宣王問交鄰章而有感也 因撮其大義 以為有國家者

警焉

兼弱攻昧取亂侮亡

李德龍

伯飛  
華陽

中庸曰天之生物必因其材而篤焉栽者培之傾者覆之歐人達爾文著天演論由生物進化之迹闡優勝劣敗生存競爭之論立言有據學者宗之其實不出聖人栽培傾覆二語之外朱子謂放蛇龍驅虎豹翦滅蝮虺是彼自具驅除翦滅之性若不驅除翦滅便非天理蓋天道至公初無愛憎物而不才自絕於天亦所謂民之所欲天必從之因物付物蒼蒼者何所容心哉讀仲虺之誥兼弱攻昧取亂侮亡重有感於此義夫弱昧亂亡具於我而兼攻取侮自於人豈天相彼而抑此耶孽由己作天則假手於彼故曰人必自侮而後人侮家必自毀而後人毀國必自伐而後人伐春秋書梁亡以自亡爲文湯武征誅皆稱天命理則固然非借託也嘗細繹四者之義文雖平列而意有偏重曰弱曰昧曰亂是其因卒底於亡是其果弱而弗能自強昧而弗能自明亂而弗能自治有

一於此未或不亡元之滅宋兼弱也清之滅明取亂也若弱昧且亂雖無兼攻  
取侮亦斷難幸存况乎與我並立於天下者不皆弱不皆昧不皆亂人之行其  
兼攻取侮固勢所必至我之宜亡亦理無可逃自去歲東隣肆虐舉國同憤抑  
試反之兵不精器不利勇於殘民怯於禦敵我則既弱矣平時驕奢淫泆自私  
自利無謀國之術臨事張皇乞救國聯而舉國上下無復悔禍之誠我則既昧  
矣至於歷年內訌亂非一日其不及於亡者幾希事理較然非好爲危言也雖  
然有說焉夫多難興邦殷憂啟聖孟子曰無敵國外患者國恆亡將有人焉憤  
彼外侮激而內修本亡羊補牢之計作曲突徙薪之謀徐圖所以自強自明自  
治者以爲救亡之本國家萬一之望端在斯乎

國人對於孔子心理之剖解

徐 炯

子休  
華陽

現在我國人對於孔子異常冷淡察其心理蓋謂孔子與我無關係也試臚列

於左

一政客 只須崇拜一部法政叢編又輔之以諂媚卑鄙便可陞官便可發財如是者與孔子無關係

二迷信家 自私自利之流癡心學佛妄意成仙更或借此以爲斂錢之捷徑如是者與孔子無關係

三愚民 百年心計盡耗於油鹽柴米之中煩然七尺空生於高天厚地之內如是者與孔子無關係

我國人號稱四萬萬除去右列三項其餘真正明白者蓋寥寥無幾嗚呼我國其衰矣

昔漢武罷除百家表章孔子此其心理爲何如也昔陸桴亭有言吾輩讀孔子之書即當終身祀孔子此其心理

爲何如也蓋此皆澈底明白者也若夫半明白之人其於孔子在若即若離之間故於祀孔子亦視爲可已而已之事間有涉足孔子之庭者亦如看城隍會看東嶽會圖鬧熱耳彼又惡知孔子更有詆毀孔子侮辱孔子者直禽獸耳固無傷於孔子然而我國其衰矣

間管論之人只此一心不向於此即向於彼不趨於正卽趨於邪科舉時代未必人人知孔子然而人人尙不敢畔孔子自廢經不讀而以一切新文化代之全國青年目不識孝弟忠信之字耳不聞仁義道德之言更徧貼標語曰打倒孔子打倒舊禮教打倒萬惡之父母此其心理爲何如也嗚呼我國其衰矣夫孔子者關係我國之生死存亡者也我國人而不欲圖生存則已如欲圖生存請自變更箇人之心地始

迷信與非迷信

徐炯

子休  
華陽



權之爭小則鷄鶩之爭而惟自利焉以肥其身以種其子孫顛倒錯亂昏惑糾紛如醉如夢亦貪亦淫如豆之眼漆黑之心直接間接彼此薰蒸小人道長大錯鑄成道之不明道之不行此其總因也嗚呼陳叔寶無肝心吾復何云

說廉

徐

炯

子休  
華陽

昔人云國亡由於盜多盜多由於民窮民窮由於官貪官何以貪以無懲貪之人也居一國最高之位而先以貪爲天下倡於是貪黷成風貪狼在位貪鄙者進貪婪者用無一官不貪無一民不窮無一人不盜小盜盜財大盜盜國入其國中無一人之非盜而國事遂不可問矣嗟乎廉吏果不可爲乎廉者必克己此非從事於戒慎恐懼者無以清其源廉者必寡欲此非宅心於詩書禮樂者無以植其本今則大道既隱僅僅以一廉字繩賊吏此百試而百不效者也倘政治清明風俗淳厚不必言懲貪而自無貪人若政治濁亂風俗糝辟雖日日

言懲貪而貪夫自若也雖然屈靈均不云乎舉世混濁我獨清衆人皆醉我獨醒吁嗟默默兮吾終思斯人之廉貞



大成會書金

陽歷八月二十七日省文廟講演

徐炯子休  
華陽

現在我國廢經不讀我尙在孔子廟中講經自然是腐敗極了然我除去這幾句腐敗話又無可言者則試舉蹇之大象與諸君子一商之可乎現在感時局關係我全國俱皇皇然覺得沒有出路這幾年政治不上軌道外交又著著失敗是政府沒有出路全國大學有六十餘所高中以下不知有若干學生畢業後政界位置不完學界位置不完是學生沒有出路苛斂重重農村破產是農民沒有出路實業衰落商場上觸目皆是洋貨是工商沒有出路一國人俱沒有出路豈不是走到絕地嗎然而據我看來則正大有出路出路安在則修德二字是己修德者根本中之根本也蹇之大象曰山上有水蹇君子以反身修德坎正北方之卦也艮東北方之卦也山險水險聚於一卦其象爲蹇雜卦傳曰蹇難也說文曰蹇跛也跛正所以形容其難也蹇之象傳曰不利東北其道

窮也而我東三省適居東北之位日軍一來我國舉數千里膏腴之地而棄之以云不利真不利矣以云道窮真道窮矣如以過去之歷史言之實屬可怕蓋慕容宇文契丹完顏諸族俱起於東北而蠶食我華夏越徧越緊浸假進一步焉而扼我之吭浸假又進一步焉而拊我之背浸假再進一步焉而潰我之腹心我於是遇鼎之九四所謂折足之災也我於是遇剝之六四所謂剝膚之痛也我於是遇噬嗑之上九所謂滅耳之凶也昔漢室經營西北說者以爲斷匈奴右臂今日人佔領東北豈非斷我中國左臂乎故我以爲東三省之事非一隅之禍乃全國之禍以前惟不修德故將中國鬧得如此危險以後再不修德定把中國鬧到滅亡雖然何者謂德則中庸所謂三達德是也今不能沈毅堅忍而徒以打倒帝國主義標語激怒之是謂不智事變既來無以救我東北之焦爛同胞是謂不仁以手握雄兵之人而只知鎮靜只知不抵抗只知乞憐國

聯是謂不勇而又議遷洛陽議遷西安殊不知恰恰蹈了晉東渡宋南渡的覆轍蓋我能往寇亦能往倘日本又趕到西安則又將遷成都又趕到成都則又將遷西藏又趕到西藏則遷無可遷了明室由北京遷南京遷福建遷廣東遷廣西遷雲南遷緬甸遷無可遷明室遂滅亡了此豈不是前車之鑒嗎總之我國近年來無倫理無紀綱無廉恥無道至此雖天天紀念孔子有何益處蓋尊敬孔子者在實行孔子之道不在空空敷衍虛文也昔蜀之諸葛武侯嘗實行孔子之道矣一曰開誠心誠則不偽所謂中孚信及豚魚也二曰布公道公則不私所謂王臣蹇蹇匪躬之故也到得後來把全蜀治得路不拾遺夜不閉戶此豈不是一個修德的好榜樣嗎今日我國只要把誠字公字知字仁字勇字一齊做到便是大大一條出路謂予不信請看十九路軍將一勇字做到而已名震全球矣況將五個字一齊做到則根基固國勢強中國必有復興之日又

何待言又易大象之例凡言先王者單指天子也凡言后者包天子及諸侯也  
凡言君子者包天子諸侯及卿大夫之有采地者言也今亦不必盡拘是例天  
下興亡匹夫有責難道說政府應該修德民衆就不該修德嗎總願我國之人  
上上下下掃去虛邪之辭從事根本之地如何克己如何修身如何敬天如何  
愛民如何理財如何治軍如何興學如何禦外侮一一皆從道德一條線走去  
則向之所謂山也水也蹇也難也一齊皆化爲康莊大道有寒即有暑有盛即  
有衰有敗即有勝理如此數亦如此此是正正當當一條出路我國人慎勿抱  
悲觀走邪徑而自陷於荆棘叢中也

天下事爲之於未亂之前則易爲之於將亂之時則難然爲之於將亂之時猶曰可補救於萬一也至於亂形既成勢力俱竭雖有智者亦惟有束手待斃而已

夫三代以上之得天下豈若三代以後之取天下力征經營猜防禁錮始則惟恐不得而終則惟恐其失者哉

凡看書不但要書義明白是要身心明白亦不但要身心明白須是身心與書義融洽貫通身心即書義書義即身心彼此無間纔是工夫纔是明白

大學絜矩二字是忠恕二字註脚

後儒以朱子爲賢於周程

尙論之說有二有以聖人論聖人者有就天下萬世論聖人者

吾輩趨避之私固不可擾擾胸中然爲道愛身亦當預計

居敬是根本窮理是進步處

士生斯世不能致君亦當澤民蓋水火之中望救正切耳

立志二字乃初學入聖根基也然此箇志不是自己先天帶來便是後天觀感觸發

古今聖賢之道不獨達可兼善窮亦可兼善

吾輩在今日亦無別法只是閉門讀書學遼東管幼安耳若教養得幾箇好人才是亦斯世斯民後日之幸也

以無窮好歲月浪費於應酬之中殊可惜耳

竊以爲治平之道有二項其一爲補偏救弊一則創制立法補偏救弊隨時可行創制立法則非聖君良相徹頭徹尾大大制作一番未可遽云復古

(續三十九期)

顧亭林先生學說

處此之時惟退惟拙可以免患

目擊世趨方知治亂之關必在人心風俗而所以轉移人心整頓風俗則教化紀綱爲不可闕矣

國亂於上而教明於下易曰改邑不改井言經常之道賴君子而存也

六代之末猶有一文中子者讀聖人之書而惓惓以世之不治民之無聊爲亟沒身之後唐太宗用其言以成貞觀之治

天下之生久矣一治一亂盛治之極而亂萌焉此一陰遇五陽之卦也孔子之門四科十哲身通六藝者七十有二人於是刪詩書訂禮樂贊周易修春秋盛矣而老莊之書卽出於其時後漢立辟雍養三老臨白虎論五經諸生至三萬人而三君八俊八顧八及八廚爲之稱首馬鄭服何之注經術爲之大明而佛



道之教即興於其世

古之所謂存心者存此心於當用之地也後世之所謂存心者攝此心於空寂之境也

孔子論易見於論語者二章而已曰加我數年五十以學易可以無大過矣曰南人有言曰人而無恆不可以作巫醫善夫不恆其德或承之羞子曰不占而已矣是則聖人之所以學易者不過庸言庸行之間而不在乎圖書象數也今之穿鑿圖象自以爲能者畔也

國亂無政小民有情而不得申其冤而不見理於是不得不愬之於神而詛盟之事起矣

近世之說經者莫病乎好異以其說之異於人而不足以取信於是舍本經之訓詁而求之諸子百家之書猶未足也則舍近代之文而求之遠古又不足則

舍中國之文而求之四海之外

不教不學之徒滿於天下而一二稍有才知者皆少正卯鄧析之流是豈待三川竭而悲周岷山崩而憂漢哉

其字則變古爲篆改篆爲隸書則縑以代簡紙以代縑多歷世代轉寫繆誤失其本真後之學者於其所不能通必穿鑿而曲爲之說其爲經典之害也甚矣惟夫二十七月之內不聽樂不昏嫁不赴舉不服官此所謂心喪固百世不可改矣

父母之恩不殊而獨殺於外氏者所以尊祖禰而異於禽獸也

小官多者其世盛大官多者其世衰

化天下之士使之不競於功名王治之大者也

商鞅決裂阡陌而中原之疆場蕩然宋政和以後圍湖占江而東南之水利亦

塞

張士誠據吳之日其所署平章太尉等官皆出於負販小人無不志在良田美宅

虞謙爲杭州知府嘗建議僧道民之蠹今江南寺院田多或數百頃而徭役未嘗及之

財聚於上是謂國之不祥

昔人謂古者藏富於民自漢以後財已不在民矣而猶在郡國不至盡輦京師是亦漢人之良法也後之人君知此意者鮮矣

開科取士則天下之人日愚一日立限徵糧則天下之財日窘一日吾未見無人與財而能國者也

前代官吏皆有職田故其祿重祿重則吏多勉而爲廉

排印四禮翼序

昔被髮野祭辛有發伊川之歎明之中葉弊或不至於是而呂叔簡先生汲汲有四禮翼之作豈不以禮存則國存禮亡則國亡憂世之心先後固有同揆者乎民國壬申世變亟矣而禮教之衰微尤可慨焉爰取呂氏四禮翼而排印之知禮之君子或不至以爲多事也壬申孟秋月華陽徐炯序

羅母周太夫人壽序

齊家之道庸德而已治國平天下之道亦庸德而已自世以庸德爲不足尙而別求所謂新異高奇者以自別於古聖人之道而世乃大亂不可止嗟乎若羅太夫人者豈非天特生之以弭亂者哉夫孝庸德也而太夫人則孝於父母孝於舅姑勤庸德也太夫人則清明在躬夙興夜寐以視休其蠶織者不亦遠乎儉庸德也太夫人則屏紈綺安儒素有歐母治家之遺風焉他如寬以御下和

以睦族讓以分財條理精密內外斬斬莫非庸德之所宣著者然而尙非其大者也夫辛壬以來世變亟矣孟子曰爭地以戰殺人盈野爭城以戰殺人盈城始於一念之債興終於萬骨之填委羣雄相視磨牙吮血曾未有人焉一稍動其心者獨厚德之君子體上帝好生之心啟仁人哀矜之口嘗戒其子伯常師長曰爲將者捍國爲民不可妄殺一人嗚呼仁矣吾聞之仁者必壽仁者必有後蓋精神既與天地相通則期頤之徵瓜瓞之衍亦自其理之所固有而可以左券操之者昔明太祖嘗語諸將曰爲將不妄殺人豈惟國家之利爾子孫實受其福大哉王言蓋與太夫人之意先後同揆矣抑又聞之華盛頓龍飛北美賴有賢母拿破崙虎視歐陸亦賴有賢母賢母者一國最優秀之偉範也其厚德既孕育之於前其慈訓復薰蒸之於後是以其子爲將神武不殺而卓然可以爲一世之標準伯常勉乎哉一家仁一國興仁一家讓一國興讓太夫人

之仁之讓苟充之足以保四海孟子曰三代之得天下也以仁其失天下也以不仁不仁嗜殺人者也仁不嗜殺人者也是一心之仁慈足以感召祥和甄陶宇內吾故曰若太夫者天特生之以弭一世之亂者也且程伊川之詩曰我亦有丹君信否用時還解壽斯民至哉坤元其大德足以躋斯世於仁壽則一人岡陵松柏之頌又不足言矣民國二十一年壬申仲秋月華陽徐炯拜撰

### 漢明帝論

秋季會課第一名 鄭學駒 士燾 華陽

三代下道之不行皆由於道之不明也雖然明豈易言哉日本明也有浮雲以蔽之而日不明矣道本明也有異端以淆之而道不明矣西漢之異端在老而東漢之異端則在佛明帝妖夢是踐遣使天竺自時厥後佛老遂與吾儒鼎立而三崑山顧氏以麟經作而老氏與虎觀建而浮屠入厥象爲五陽一陰之姤固天運之有否泰抑亦明帝之闇昧有以致之也明帝承建武承平之後遠覽

黃老之治近習圖讖之學觀其諫光武失黃老養生之語足證其學之賤而不  
純識之闇而不明也大抵漢儒專事訓詁而聖道異端又差僅毫釐是以明帝  
一聞言慈悲不殺則以爲與吾儒之言仁合一聞因果報應則以爲與吾儒之  
言降祥降殃合似是而非引鬼入室遂爲後世二千年基禍之主嗟夫使當時  
臣下有董仲舒韓愈輩以聖人之道匡之明帝或不至如此易有曰王明並受  
其福王之不明後世受其禍矣諡法以照臨四方爲明如明帝者其有愧色哉

曾孝毅先生批

持論平允於當時情事頗能融會在心故能言之成理至文之結構敷佐  
取材如量無過與不及之弊尤非率爾爲之者可同日而語也

漢明帝論

秋季會課第三名葉書麟

叔明  
華陽

夫是非明而後取舍之分定儒者之道是則佛氏之說非二者不相爲謀則凡

并尊之邪說調停之謬言溝通之妄語皆足以淆黑白亂是非而爲大道裂蓋  
儒以尊崇彝倫爲教使人知自別於禽獸至於佛蕩破綱常絕滅人道其是非  
不彰彰明哉異哉漢明帝之爲也觀其臨辟雍諸儒執經問難冠帶縉紳雜遝  
橋門文學之盛炳炳麟麟兩漢崇儒於斯爲美非天資明睿識見恢廓烏足臻  
此獨怪以金人之夢生好奇之心遣使之天竺求書而佛法入中國矣自是後  
潛滋陰熾攻之愈堅撲之愈烈幾奪吾儒席而有之是非之顛倒刺謬可謂甚  
哉豈其崇尚儒術徒飾天下人耳目而求佛法又徒喜其新奇怪誕足以炫耀  
人心歟抑中無所主不審二者之是非惑於邪說而然歟且後世若梁武帝若  
唐憲宗不知崇儒專意好佛執迷不返不足深怪彼明帝非梁武唐憲之流也  
言政事則有功於儒教求佛法則遺毒於中國方其執經尊儒也則明告天下  
以重倫常立人極及其求佛法也則又陵高厲空以清靜寂滅爲歸此是則彼



非彼是則此非乃漫不加察而以此亦一是非彼亦一是非之心崇儒求佛雖當時崇奉者獨楚王英爲先而王公貴人隨聲附和自是而魏晉而隋唐宋元明清以汜於今叢林徧天下而惟佛之是而儒之非矣嗚呼孰知其禍之烈至此哉令當時明帝真知儒學之果可以治天下而必興之也有人焉能以董仲舒諸不在六經之科者悉令除之之言爲之勸縱百家之言不除而求佛之事可決然不行乃是非不明邪正不分當時三老五更亦默然不聞一言以尼之者在明帝已儒釋并尊則凡後之陽儒陰釋者又何足深責哉吾慨夫今世儒教式微佛法昌熾而人心陷溺也推原其故能不責漢明之舉措失宜遺禍至斯極哉雖其政治人心爲東漢賢主然不辨儒佛不別是非又安可以是怨之也聞者疑吾言之苛乎則非所敢知已

曾孝穀先生批

以不別是非責明帝持論極正屬辭不失體要足徵所學書法亦端重可喜

曾文正公論

月 撰 徐孝開 天一 華陽

自古英雄豪傑之士一舉手而措天下於泰山之安者非獨特其才智殊絕亦由其學術之正耳夫學術本也事功末也本正則末無不正否則本之既壞他更何言如明之王陽明剿滅宸濠其功業顯赫爲何如者乃學術謬雜終爲吾儒所不許蓋所謂本先壞也嗟夫若曾文正公者可謂大本既立偉績外充者矣史稱公初入翰林即與唐鑑倭仁輩講明程朱之學夫程朱之學即孔孟之學也孔孟之學以救民爲主故公一生即以救民爲志其豐功偉業實有令人欽慕者當道成年間粵賊譚起洪秀全自武昌東下舳舻千里旌旗蔽空所過郡縣殺戮如洗公於此時慨然提鄉勇數千扼要迎戰粵賊之風頓挫自時厥

後無歲不干戈無日不介冑公轉戰四省不敢告勞十三年間而粵賊已灰飛煙滅東南半壁之不渝亡者惟公是賴覺羅氏之不覆亡者亦惟公是賴雖然公之討粵賊不獨爲國亦且有功於聖教特大夫亂臣賊子歷朝皆有至於李自成張獻忠極矣然而皆不敢犯聖廟蓋賊之良心固未嘗漸滅盡也彼粵賊洪秀全者倡爲天主之說焚滅聖經燬壞聖廟舉凡中國禮義人倫詩書典則一旦掃地無餘此真文正公所謂名教之奇變矣於是憤而掃蕩之故吾之意曰公之討粵賊非獨衛國亦且衛教也蓋公所奉者爲程朱之教爲孔孟之教孔孟程朱者固嘗以排斥異端爲己任也彼洪秀全豈特異端而已哉謂之毒蠱可也謂之蛇蝎可也謂之洪水猛獸可也嗚呼使是時而無公亡國之禍固慘亡教之禍更不忍言矣後世有訾公者曰漢產而爲異族用吾意不然君子觀人論世亦視是非爲斷耳是則是非則非不問其異族不異族也竊嘗以爲

有清一代尊孔之隆三代而下罕有倫匹原自聖祖踐祚初則於先師行九叩首禮既則詔增孔林地再則頒發孝經衍義其於聖人之道備極尊崇凡若此者能以其異族而謂之非乎今日不事異族然則當事粵賊乎夫亦較其是非而已要之公之行爲絕非後世淺躁之徒所得而訾議者也予讀公傳見公於地方利弊則精密籌畫於行軍則嚴禁擾民於英材則不次擢用凡所以爲國爲民者莫不盡心力而爲之識者知其本原於學術矣

大英字典



一

中人以上可以語上也中人以下不可以語上也

癸酉四川鄉試第十三名

武

謙

成都

爲矜言上者示語之準不得以中人概也夫中人固欲引以上也然有不可不可之分語之者能勿辨其上下哉且自性道闡微言而萬世垂講學之功亦萬世啟講學之弊非性道之宜祕也吾人師儒自命將欲胥天下而躋之聖域而或詣有未深或時尚有待則不妨姑靳焉以俟其自至斯吾教尊而受益亦衆非然者天事既殊人功復異慎毋謂紛紛者皆解人也今夫吾道本至公無下而非上也斯人皆吾與可下亦可上也安有不可語者哉然而語固未可輕也天下有形者易語無形者難語上無形者也無形而欲以語形之則非其人恐未能行焉著習焉察然而語尤未可驟也天下有窮者易語無窮者難語上無窮者也無窮而欲以語窮之則卽其人亦未必知至至知終終蓋誠慎乎其可而深慮其不可也則中人以上之不可多得也而語上者茫然也傳無問後先業

而分始率以中人概之覺日用倫常均無庸爲斯人道而危微精一直溯本原而語上者更率然也行無論積漸效惟求速成以中上繩之覺近功卑論舉不足爲若人期而止敬執中竟傳心法是但知其可而不知中人以下之不可也而語上者於是得矣而語上者於是失矣聖功之隳也畸士天資自負謂窮神達化之功不難以一蹴至於是高談性命中心材亦得與精微役志杳冥下士因之廢踐履致令聆其論者畏吾道之艱深反以格物致知爲多事而寂滅虛無之教以滋皆此不辨其可者階之厲也惟以上下判其等而後可語而語與言有終日之不違不可語而不語取瑟亦不屑之教誨儒術之衰也通人上哲自居謂風動時雍之盛不難於自我求於是遇中主而述聞知不顧其君非湯武際末流而陳道統違卹其世非唐虞致令聽其言者疑吾儒之迂闊轉以皇猷帝治爲無稽而刑名法術之風益熾皆此昧乎上下者貽之咎也惟以可不可

立之程而後中人以上曉然於內聖外王有真經濟中人以下亦憬然於稱先則古無僞事功矜言上以講學者其知之

于以盛之 至惟錡及釜

丙子四川鄉試喬樹枏  
華陽

盛湘各備其器可知教敬之心矣夫筐筥錡釜器亦備矣盛之湘之不可見教敬之心乎嘗攷古者婦人先嫁三月教以婦德婦言婦容婦功教成而祭牲用魚芼之以蘋藻夫曰芼則其先必有以儲之而其繼必有以治之蓋家庭之事義主於敬恭器用之微不嫌其瑣細匪曰備禮聊以致虔云爾其蘋伊何采之淵濱者也其藻伊何采之行潦者也事非朝聘既無事珠槃玉敦之紛陳禮異公庭亦不尙龍勺雞彝之典重雖然其何以盛之而何以湘之者盛之器不惟其華惟其樸而閨房結習每爭藻繪以爲工有筐筥以盛之斯一方一圓不羨外觀之美湘之器不惟其薄惟其堅而中饋初諳恒以輕圓爲適用有錡釜以



受之斯有足無足益見運動之靈於以承之於以湘之不齊可乎蓋耳目之娛雖女士亦不免一物也華縟者輒嫌其不足樸質者或厭其有餘簞而必兼以筥也宛似筠籠惟便蠶桑之采擷更無丹漆不矜藻采之輝煌而無荒無怠之忱載與俱出矣况晏安之習尤女教所必嚴一物也脆薄者喜便其取攜堅厚者慮難於提挈錡而必兼以釜也箔金合土曾傳制器之精夕膳晨餐足備調羹之用而必躬必親之意隱與相深矣夫酒食本兒時所議豈教成而或倦其勤所患者惰氣乘之耳乃盛之者不一器采同卷耳儼然方曰筥而圓曰簞湘之者不一時食以平心無需三足鬻而曲足融藉曰惰也是事神而將以廣神致福而未聞受福盤匱未潔其毋乃貽姆訓之羞也教敬者蓋用是兢兢已抑吝嗇爲坤道之常豈教成而或忘其儉所患者侈心中之耳乃盛之者惟取輕盈僅同蘧豆之修明資材箇籛湘之者但期適用不類尊彝之寶貴刻畫雲雷

藉曰侈也是用物而必求異物竭誠而轉愧肫誠棗栗不供其無乃非閭門之福也教敬者蓋因之惕惕已此其爲教成而祭之事乎

茂護先生負文名徒以覓第一場首藝不可得故不得不登此耳編者識  
子謂子產有君子之道四焉其行已也恭其事上也敬其養民也惠其使

民也義子曰晏平仲善與人交久而敬之

己卯四川鄉試  
第四十五名

曾

培

篤齋  
成都

兩述名卿聖人深懷舊之思焉蓋子產之有道平仲之善交皆夫子所素契也爲兩述之殆有懷舊之思乎且夫以一人之心契衆人之心要在將以誠而已以一誠通上下之情斯朝野情孚聿昭美備以一誠篤應求之誼斯友朋誼洽可貫初終其求契於人也以謙以謹而濟以恩威其見契於人也可暫可常而不可狎侮而其所以深契於聖人者遂以共明於天下昔夫子情殷見聖曾爲降格之求誼切得朋尤抱先施之愧此以見君子之罕覩交道之難盡也乃日

者嘗論及於子產晏平仲衆母之芳聲遠播夙昔歌騰東里豈特論定於尼山  
然而位冠諸卿驕矜易逞介居兩大寬猛難兼使治術不根諸學術則體國經  
野夫安能功成致澤保小弱而不被兵戎八年之交誼克敦豈以封沮尼谿或  
至見疑於故友特以欒高擊毀尾大滋虞崔慶請盟勢孤寡台使推心不矢以  
誠心將隙末凶終夫安能義叶貞恒歷常變而不生猜忌以觀子產恭敬惠義  
得一已足況有四者以交孚惟體乎道而不限一偏故擴其道而克奏偉績也  
謂之君子而一切驩虞小補者可以知勉矣及觀晏平仲久敬善交古道不復  
况值強宗之逼處必久要有不忘之雅斯交游無或竭之誠也稱曰善交而一  
切慷慨論心者可以無言矣是蓋列國驅車閱人已徧求所謂良臣良友終覺  
名實之難符因思奮游傾蓋知己猶多一溯夫適鄭適齊尙覺光儀之可挹且  
夫駟良執政難語竭忠管鮑論交終嫌逐利十五國人材輩出問孰是遺愛興

歌僕御入薦者今何幸二大夫之崛起其間也安上即以全下內難紓新鄭之憂慎始愈以圖終畢世敦故人之好儻他日春秋垂訓爲列邦觀法之資而過溱洧者孰嗣競傳遊遄台者舊盟勿替尙其取名臣之軼事而連類書之且夫武子愚忠不聞澤衆遽瑗寡過亦與訂交數十年舊侶漸稀問孰是內靖羣疑外敦鄰好者茲何幸二大夫之克濟其美也爲政有全模濟人猶其餘緒推誠破成例釋囚不吝同升在當日朋舊聯歡無離羣索居之感而惠人特予定稱儉德爲傳遺事尙其因兄事之有年而抗論及之

異乎三子者之撰子曰何傷乎亦各言其志也

乙酉四川選拔硃卷曾

鑑吳如華陽

撰以異而歎於言聖人所樂聞也夫於撰見異卽三子莫不然也點自白之而子詔之非皆一言志之心乎且聖與賢日抱一大同之量以待天下則凡同此趨承者皆其同此梗概者也顧同堂坐論方欲共驗其同而獨此不欲苟同之

人若早秘其不能強同之趣雖亦同類之適然而當同聲相應之餘有不妨別陳素蘊者則善誘之衷也點承問而舍瑟而作點其將言點之志而並以證三子之志乎而點不遽言也想其感懷於天時人事之交而知此日用往來無難並宏其運量假一途焉三子其各有定趨也而此意莫證於丹鉛則徑性直陳恐刺謬而轉鄰於誕因而默會乎宇宙盈虛之理而識此民胞物與悉當共濟於生成拘一格焉三子亦各懷利器也而此情久銘於幽獨則當前自白將附和而有所不能異乎三子者之撰點蓋深信其異而不欲以異自矜乎而子聞之何如者動名原可共而性情之用若隱隱其難名以點視三子其異蓋有深焉者矣夫大造無私何至顯分其畛域特有所異而點之志未可誣即三子之撰有所鑒也而安可嘿爾息也安懷誠素願而大道之行恒耿耿其莫遂以點較三子其異又有合焉者矣夫一堂互證俱當自揭其襟懷是有所異而三子

之撰可共明即點之志勿終秘也而奚容寂然安也曰何傷乎亦各言其志子之詔之非樂觀其異哉黃農虞夏此風尙在人間讀古人書點亦將忤然動也然而其實當自陳矣嘗見畸士無華而抱此孤衷輒矜高躅極之因人成事轉致此功名智勇無由自據其情能異者何心不異者又何所恃也點也直爲是緘默乎經濟本可匡時而入世何能避世抱負卽堪佐國而因心敢具成心或見或潛點不能越其途三子亦何至旤其素也有各明其概焉爾用舍行藏斯事惟期吾黨自蒼生望點不應忽然置也然而其真宜顯白矣嘗見大儒抱道而舉其一得動合源流極之見理彌精直欲於上下崇卑使之並隆其奠定不異者亦何容諱也點也其猶待索解乎隨時旣堪順應而兵農亦制治之精順事即可恕施而禮樂實厚生之本一出一處點不必期於獨三子亦何嘗苟爲同也有各得其所焉耳迨點言之而子與之彼三子亦於是深遠矣

大成會讀金

(續二十九期)

徐子休先生六十壽言

予居萬山中國變後健戶不出舊時朋交音問曠絕獨華陽徐君子休箋素往還注存甚勤憂時衛道之旨溢於言表每念達路艱阻不得一圖相見今年植君六十生日輒從四千里外援筆以致區區之私蓋自有宋諸儒闡明孔孟之道歷元明承其學派羽翼聖道者接踵代興迄於明亡非特節義之盛邁於前古即山林潛伏之士以擔荷斯道爲任者所在有之逮至有清 聖祖以帝王之尊躬踐道學導率天下而一時負大儒之望如睢州平湖諸公海內奉爲斗杓岱嶽師友傳習寔繁有徒道莫隆焉世莫盛焉日中則昃月盈則蝕時則有所謂漢學宗派不求諸本源之地以詆訾宋儒相獎在當時流弊未大著也不意百數十年後邪說橫流禮教漸滅其禍即伏於此至於今日三綱四維掃地盡矣天其將任吾道淪胥靡所底止邪抑尙有剝極而復之時邪君初頗涉異



學既而宗旨一軌於正慨人心之陷溺也大道之榛蕪也詖淫之流毒也十數年來日持聖賢之訓灌輸後生不懈益勤復搜求宋以來儒先之書刊而傳之堅苦卓絕不憚於舉世背畔之日斷斷然懇懇然翼扶植人極於萬一其遷善之勇守道之確蓋近世所罕見者夫以今之世篤信斯道者不可數觀如此而昌言排斥名教者盈天下皆是又如此天地之機相推相盪若不可遏斯道能延一線之緒與否若不可知然橫渠張子有云爲天地立心大壞極亂之世天地之心亦若失其故常而不能自主賴宏道之君子幹維而支柱之如君之誨人不倦雖頽流洶洶若有不勝之勢但使承其教者得一二人他日薪火之傳未必不在於是是天地之心之所寄而不隨世運爲轉移者也君雖藐然之身其關係之重如此此予所以壽君之意而世俗延年稱頌之詞蓋不足云矣

重光作噩之歲十月既望湘潭趙啟霖拜譔

(續二十九期)

西曆之一千八百七十一年六十五年之中其心亦不敢稍淡也昔管仲謂桓公曰願君無忘射鉤臣無忘檻車故區區之所禱祝者惟願我國民終身無忘五月七日之事乃足當沈毅二字更有進者今日我國民有萬分愛國之心萬不可有一分仇外之心何言之人必自侮而後人侮國必自伐然後人伐我不自侮誰敢侮我者不自伐誰敢伐我者而今而後我將自怨自艾之不暇而何暇仇人我國民試拊膺自思我國今日之人心何如風俗何如人心風俗敗壞至此而欲國家之隆盛萬不可得之數也使真能自怨自艾一旦而靈革前日之人心盡易前日之風俗人心風俗隆盛如此而欲國家之敗壞亦萬不可得之數也故區區之禱祝我國民者惟冀先從事於人心風俗乃是當深遠二字沈毅矣深遠矣儲金一事果其細已甚乎是又不然昔法國綏丹之敗普國索賠兵費英金二百兆磅合華銀八萬萬兩而法人公而忘私如期全繳一時

歐美莫不欽佩其愛國之熱心今我儲金團之發起夫豈亞於法人哉蓋儲金一事特公德之顯見於外者耳其公德之蘊蓄於心者尙不翅十倍百倍於此也既有公而忘私之國民即有開誠布公之政府傳曰殷憂啟聖又曰多難興邦吾不禁且喜且懼對於我國前途殊有無涯之希望也

惠陵聯有蜀以來此真帝使君後而無漢陵百花潭聯花路入谿口潭影空人心語殊渾成未署名不知何人撰也武侯祠聯三代而還有此名世九原可作誰爲後身江樓聯引袖拂寒星看四壁雲山青來劍外停琴佇涼月送一篙春水綠到江南顧子遠手筆也意致亦超雋

予挽岳席珍聯憐君如弟兄但話夙昔傷懷抱封侯意疏闊此事恍惚難明論集杜挽朱印侯聯我豈忍忘君哉想八年中相勸相規只落得一則酸腸兩行痛淚死自然有數耳倘重泉下思親思子何堪對九秋冷雨二月幽花挽何道

雲聯再無人能繼六先生看黯黯斜陽君來自天上仍歸天上一失聲別有千古痛尋茫茫墜緒我遊於世間何意世間挽蔡松波聯至海外求學學冠一世至海外求醫醫誤一世爭人格而戰戰固千秋爭人格而死死亦千秋

甲申年予與曾君奐如皆爲童子師曾館於城守街予館於祠山殿一日早餐後予偕曾君至溝頭巷訪葉韞丞韞丞高臥未起又至大樹拐訪劉潤泉潤泉亦高臥未起歸至科甲巷予謂奐如曰葉劉兩氏其衰乎已而兩氏果敗兩君皆客死於外魏默深曰相士相家之過觀其寢興之早晏而決矣諒哉斯言亡友周君芷亭性情和粹醫理精深活予者數矣一日謂予曰子之癆病已至十分之四若至十之六殆不可救予曰何時至十之六芷亭曰終子之身不能至也予曰何謂也芷亭曰子有衛生之道三一好勤動也二不喫煙酒也三早眠早起也

予少與彭縣劉君潤堂同學五年之久未嘗見其一怒嘗觀戲白象菴同行者聞劉語曰何必爾爾詰之則有偷兒以手探其囊而攫錢也其資性恢廓有如此者

辛未奐老集朱子詩壽我喬木歲寒姿願言壽考宜孫子尺璧寸音重新知培養轉深沈

前成都祝禧太后萬壽有聯云終是聖明天子事飛入尋常百姓家臬司某欲罪之經人勸而止

去臘撰春聯有百年春夢俟河清之句今年辛未滬報果載黃河清八小時雖然清則清矣而太平究在何時哉

予屢遭危疾黃君春陽治之輒愈並規予曰不喫零碎不喫糖蔬食宜多肉食宜少則疾可以減予感之系以詩曰屏絕肥甘野菜香自饒清氣浣吾腸七旬

始覺當年誤睡起春深日滿窗

庚子冬漢州王海峯聘予主講瀚江書院予雅欲居鄉遂諾之辛丑二月初八日挈眷住書院書院在三水關關介金堂漢州間相距各十五里俗樸陋而地則膏腴住院生除金漢新都外以德陽爲最多其中如王足愚蕭俊民皆秀出者也始命諸生購經史及宋以來儒先諸書講誦之暇相與沿綿水而下登連山觀湧泉泉出巨魚長可比人古寺牆壁畫仙佛像殊奇偉可怖連山產桃梨味皆美院中有古桂數株七八月之交秋香襲人而省中俗緣不禁自絕江深日永殊勝會城百倍也以略有齟齬辭聘歸八月十六日移家回省壬寅歲拳禍遂作三水關左右皆戰場矣亦幸而不及於難也

予生三十一年矣足跡所經東至石經寺西至工部草堂南至雙流北至新都縱橫皆不逾百里癸巳冬予將入京會試乃偕宜護子威自大碼頭登舟黃龍

谿古佛洞以下岸漸高土色漸黃竹樹漸幽茂始憬然曰此殆山耶已而至江口羊馬河自南來合至嘉定雅河自南來合至叙府金沙江自南來合而水色遂渾濁不清至瀘州沱江自北來合至重慶嘉陵江自北來合至涪州烏江自南來合至漢口漢水自北來合至鎮江以下江面可百里古人所詫爲天塹也甲午正月二十二日抵上海二十六日搭海船北上二十七日風浪大作暈極而吐不復食飲二月初二日至天津包運河帆船至通州初七日乘驟車抵京將至京望見女牆屹然而高較成都二丈九尺之城牆尤過之復憬然曰此殆京城耶已而入城塵土眯目駱駝結隊行有買杏仁茶者其聲清而厲始爽然覺身之在異鄉也寓驟馬市大街聚魁店三月十六日試事畢偕仲錫堯生寓保安寺四月十二日榜發報罷十九日弔喬茂護先生始見裴公於座間五月初三日出京同行者吳爵五黃穀臣傅緝生也至武昌緝生別去至宜昌包轎

由施南道回川二十三日至萬縣二十四日由萬縣包轎回成都二十六日至沙河堡爵五穀臣別去七月初八日抵家入霽園賦絕句一首倩得東皇挽落暉滿園秋色忍芳菲花如有口應相笑君是歸期歸便歸於是中秋節後又開門授徒矣

鄭蘇戡有詩云湘水才人老失身湘水果有才人乎且其人早已失身何必老也

劉忠誠在戊戌庚子之交所謂鐵中錚錚庸中佼佼李文忠張文襄不及也賀文忠云借銜陋習耳然後世則往往用此術以厚誣君子

晚村堅卓矣然不如二曲見機之早也

晚村不滿意於草廬而於清獻之商出處也又以一命之士苟誠心於愛物告之殊不可解



烏珠敗於朱仙鎮欲棄汴而去有書生諫之曰自古未有權臣在內而大將能立功於外者烏珠悟遂不去蓋內陰外陽內柔外剛內小人外君子此其象爲否此其義書生知之烏珠知之其不知者獨一至昏極庸之高宗耳

章拯者楓山之姪也官至司空致政歸有俸餘四五百金楓山知之大不樂曰汝此行做一場買賣回大有生息嗟乎此成弘時之風氣也若至嘉隆以後則龍溪且辭受不明而做一場買賣者多矣

蠱之象傳曰終則有始天行也臨之象傳曰至於八月有凶消不久也剝之象傳曰君子尙消息盈虛天行也復之象傳曰反復其道七日來復天行也豐之象傳曰日中則昃月盈則食天地盈虛與時消息而況於人乎况於鬼神乎聖人於此五卦發明一切盈虛消長之理則知我國今日之濁亂正不必盡抱悲觀也

(續二十八期)

心治盦瑣言

曾延年 孝毅  
成都

愛國

衣愛國布吸愛國煙居共和里讀革命花(革命花日報名)其言炎炎其欲逐逐此愛國之士也古人愛國以智以仁以勇道得矣績未著也志大矣事難知也苟愛之以服食愛之以名字則勞而逸矣於是榜通衢者愛國之文擊壤謳者愛國之歌人情震撼聲滿坑谷無非愛國之徵也士以愛國輟其學女以愛國決其閑工以愛國空其肆商以愛國曠其業天下之民皆得假愛國之名而游焉於是游之法以立游之術以具主愛國者執其法羣愛國者衍其緒衍其緒以叛親以援上以蕩志以奸行攫天怒負大謗棄安榮入水火毒痛於愛國之衆術操於愛國之宰義符於愛國愈甚益爲他災(見易同人注)不圖今之愛國者其道反古王弼固已先識之也

名異

袁世凱字曰慰庭說者謂其義取凱風慰母嗚呼袁氏信能以字彰其孝思矣  
 民國開基志士必新其名字曰鐵俠曰俠魂曰劍魂曰血兒曰血痕雖合百千  
 之衆其名與字初不能超出魂俠劍鐵血五者之外所以見其志即所以見其  
 新也古人名子不以隱疾今人明志不離鐵血爭利者必求同爭名者必求異  
 異之至者則有戴天仇蕭楚女唐麟林虎網狗子（網狗子見廣陵潮小說）  
 臨喪

宴嘉賓以薤歌賀歲朝以衰絰於心安乎心所不安而謂禮得其正人孰信之  
 哉然而信之者自若行之者不惑也於何見之於居父母之喪者而以反證得  
 之今有入喪其親赴書圖像歌頌盈帙爲之者不恤以賀作弔也始成禮斂斬  
 衰男女可以與勝游飲賓客展奠之日戟衛在門謂之威儀僧尼號佛謂之懺

悔時裝弔客坐而雜觀喪主四顧則以贊美者多信其能盡孝道賓從無俚則東堂聚博西序圍燈煙氣暗流呼聲四溢既夕復有鄉俗三獻之祭金鼓絲竹之歌好言雅正亦必展放電影以永今夕噫何其樂也黎明喪發男女執紼行若並轡儀態豐盛者架目鏡含紙煙婢曳其裾僕尾其後寒素戚族則不得近焉荷槍而送者兵隊鼓吹而進者軍樂雜沓諧笑而或前或後者俳優與衆賓樂也（近俗發喪以女優來弔送爲大榮）樂至此其可謂哀乎倘謂之哀則大哀也已死者有知其將曰吾子亢宗不愧當大事也

解放

女子纏足淫巧也且傷天道而可以防其夜行然終不能執此一得視纏足爲不可易之典憲主解放者宜矣黠者曰男子讀經縛束其心思無異縛束女子之支體廢經不讀其功與解放纏足等不讀經則所讀者爲雞叫貓跳之白話

文異地異時之斷爛科學語其尤者性學之研究馬克斯之真詮讀者愈衆人禍愈亟天下之大人民國家之貴重舍此竟無可讀之書乎夫讀經者所以識其義理增其德慧其於心思爲解放乎爲縛束乎廢經不讀正以箝制其心思不令其小有所啟發以是爲解放則廢飲食者使人飢渴廢衣服者使人寒凍皆得以解放稱之矣無惑乎啼饑號寒之聲充塞乎天地也

平等二

公園曰中山公園售店起而抗之（設肆供人吸煙曰售店成都十年來新市招也）亦曰中山售店平等矣男子入市肆理髮女子起而抗之亦入市肆理髮平等矣女子著戀愛布（紫色布之新稱）寡婦起而抗之亦著戀愛布平等矣雖然以是求平等則人皆能爲之夷狄禽獸尤優爲之無慮其不平也夷狄者嗜欲不同恥尙特異雖亦有君臣父子夫婦之目而所謂權也禮也尊卑輕

重常倒置焉其俗與世所見不平等者或殊矣若禽獸則人性人理冥然不立無妻不得言公無產不得言共無君臣父子男女之別則忠孝節義不待於打倒較夷狄之猶有差等者平之無可平矣然茲之平等獨可求之於夷狄禽獸而不可求之於既經禮教之人羣不可求而必欲課跡責聲勉強齊之於萬一則所得者亦止於中山售店女子入市肆理髮寡婦著戀愛布而已  
平等二

世之昌言平等者惡先後高卑之不齊至欲舉天地之稱男女之名而盡廢之以大快乎人意然則物之得免廢棄其名稱者寡矣蓋天下萬物率皆有偶有偶則其體雖同一高卑而其名稱要不得無所先後其勢則然也平之者苟即反其常稱而以坤乾代天地牝牡雌雄代男女其不能無先後即不能平等如故也山之不平也以陂水之不平也以波陂不利車波不利舟人不聞盡平之

天亦不能盡平之以利人行平等究安在耶不寧惟是履有何罪而以踵卑之故至不得與頂之冠平等由足而冠之上有蓋焉高於蓋者有宮室焉高於宮室者有樓臺者有日月焉高乎其高者無窮卑乎其卑者亦無極不特有偶者不得齊其名即獨尊者亦不得齊其體也世有心愛平等寤寐求之而不得者無已自滅其身與其名字使天下之物失其與我對立之權則雖欲平衡不可得也不平云乎哉

我國積極之道德

徐炯  
子休 華陽

今人謂我國富於消極之道德最缺乏者為積極之道德此不知孔學之真精神者也今試證以羣經並及先哲之言行庶研究孔學者不至局於狷者一流而有以窺孔門之全體大用則救時之良相出其中矣

易

象曰天行健君子以自強不息

朱子曰某生平不會領此希天之學也則弱立身之道如此立國之道亦如此

不強

先天而天弗違後天而奉天時天且弗違而况於人乎况於鬼神乎

先天而天弗違即今

人所謂造時勢也

象曰山下出泉蒙君子以果行育德

象曰地上有水比先王以建萬國親諸侯

諸侯上著一親字安有後世分崩離析之禍也

象曰天地交泰后以財成天地之道輔相天地之宜以左右民



象曰天下雷行物與无妄先王以茂對時育萬物

象曰大畜剛健篤實輝光日新其德

象曰天在山中大畜君子以多識前言往行以畜其德

病說此可樂後儒空疏之

王公設險以守其國

天地之道恆久而不已也 日月得天而能久照四時變化而能久成聖人久

於其道而天下化成

彼五分鐘之熱度安能知此

湯武革命順乎天而應乎人 必順天應人乃所謂革而當也

知周乎萬物而道濟天下

範圍天地之化而不過曲成萬物而不遺

是故天生神物聖人則之天地變化聖人效之天垂象見吉凶聖人象之河出

圖洛出書聖人則之

古者包犧氏之王天也仰則觀象於天俯則觀法於地觀鳥獸之文與地之宜近取諸身遠取諸物於是始作八卦以通神明之德以類萬物之情作結繩而爲罔罟以佃以漁蓋取諸離包犧氏沒神農氏作斲木爲耜揉木爲耒耨耨之利以教天下蓋取諸益日中爲市致天下之民聚天下之貨交易而退各得其所蓋取諸噬嗑神農氏沒黃帝堯舜氏作通其變使民不倦神而化之使民宜之易窮則變變則通通則久是以自天祐之吉无不利黃帝堯舜垂衣裳而天下治蓋取諸乾坤剡木爲舟剡木爲楫舟楫之利以濟不通致遠以利天下蓋取諸渙服牛乘馬引重致遠以利天下蓋取諸隨重門擊柝以待暴客蓋取諸豫斷木爲杵掘地爲白白杵之利萬民以濟蓋取諸小過弦木爲弧剡木爲矢弧矢之利以威天下蓋取諸睽上古穴居而野處後世聖人易之以宮室上棟下宇以待風雨蓋取諸大壯古之葬者厚易之以薪葬之中野不封不樹喪期

無數後世聖人易之以棺槨蓋取諸大過上古結繩而治後世聖人易之以書契百官以治萬民以察蓋取諸夬包犧諸聖皆我國古代之大發明家也

書

乃命羲和欽若昊天歷象日月星辰敬授人時

納於大麓烈風雷雨弗迷高忠憲云大聖賢有大精神文弱書生不濟事也

禹曰洪水滔天浩浩懷山襄陵下民昏墊予乘四載隨山刊木暨益奏庶鮮食

予決九川距四海濬畎澮距川暨稷播奏庶艱食鮮食懋遷有無化居烝民乃

粒萬邦作乂

天乃錫王勇智表正萬邦

兼弱攻昧取亂侮亡外族主中國原是極痛心之事然以宋徽明一征武之滅國五

不亡也得乎若自其反面觀之則湯之十一

十正所以恭行天罰而不得以窮兵黷武之迂論議之也

器非求舊惟新果能求新則汽車輪船飛機早發明於中國矣

予有臣三千惟一心

時哉弗可失

予有亂臣十人同心同德

除惡務本使五王知此何至爲武三思所害

釋箕子囚封比干墓式商容閭散鹿臺之財發鉅橋之粟大賚於四海而萬姓

悅服後世之擊擊聚斂者乃殷紂之續耳

無偏無黨王道蕩蕩

惟克商遂通道於九夷八蠻

其在高宗時舊勞於外爰暨小人

其在祖甲不義惟王舊爲小人

其克詰爾戎兵以陟禹之迹方行天下至於海表罔有不服  
惟周王撫萬邦巡侯甸四征弗庭綏厥兆民  
立太師太傅太保茲惟三公論道經邦燮理陰陽  
張皇六師無懷我高祖寡命

詩

暉暉焯焯如霆如雷

旅力方剛經營四方

維師尙父時維鷹揚涼彼武王肆伐大商會朝清明

价人維藩大師維垣大邦維屏大宗維翰懷德維寧宗子維城無俾城壞無獨

斯畏趙宋不知屏藩之義故屢受外夷之禍

不侮鰥寡不畏彊禦

本會壬申年八月初四日票選董事暨公推各部職員姓名表

只存五部  
餘裁

徐子休先生五十五票

陳孟孚先生四十四票

尹仲錫先生四十二票

曾奐如先生三十八票

郭仲權先生三十五票

黃肇宇先生十三票

李伯威先生十一票

文藻青先生十票

蔡昂若先生十票

國學部

徐子休

吳俟庵

徐孝恢

蔡昂若

郭仲權

李伯飛

郭季容

黃樹滋

王孟瑩

葉叔明

胡萬銀

游叔煌

高履安

陶亮生

周菊塢

賀善先

劉君惠

徐天一

謝繼武

鍾子周

賀季雅

高博齋

朱繡陳

趙君舉

陳和鈞

劉璧田

鄭士騫

校務部

徐子休

曾孝毅

郭仲權

高博齋

龔諮善

黃樹滋

陳煦田

李伯飛

楊環圃

郭季容

高明甫

王孟瑩

周守謙

劉雨農

蔡鑾階

蔡昂若

徐孝恢

馮一披

徐耀庚

葉叔明

胡萬銀

龔雪農

吳俟庵

江仲方

龔仲輿

王叔駒

游叔煌

文藻青

庶務部

高博齋

梁仲光

劉雨農

孫和甫

編輯部

徐子休

李伯飛

鄭士騫

文牘部

郭仲權

劉潤安

陳煦田



大正會請金

古蘭縣教育局孔子紀念日告民衆書

今天我們在文廟舉行孔子誕日的紀念式算是本縣破天荒的一回事這項儀式的歷史和原由把來告給大衆知道從前帝制時代祭祀孔子在政府是春秋二祭在私人是就孔子誕日舉行當時的儀式是要設太牢告三獻的禮數是非常隆重民國成立以後仍是照樣舉行卒至民十八年南京政府成立大學院才通令各省縣把祀孔子的儀式取消定陽歷八月二十七日爲孔子誕日每屆是日即由各省縣舉行紀念式并講演孔子言行昭告大衆本縣奉令以後祀典自然廢止而紀念式則從未舉辦今年游縣長名輔國字子久樂山人前通省師範到來方飭由本局查案舉行所以本縣紀念孔子今天要算是第一回事(後略)

灌縣唐馬氏殉夫

錄國民公報

灌縣通訊吾縣城區里仁鄉有農民唐福興者因染時疫於月初病故其妻馬氏念伉儷情篤於其夫病故後悲痛非常不飲不食者數日家間又以缺乏人口支持一切喪事賴其料理迫於情勢強將其夫入殮如禮外對於其夫之各項遺產特提出向鄰族輩表示明白同時復面告其子女今後當遵體父志始足以克振家聲慰幽魂於地下言次間中人聽聞之處幾有鬚眉男子所不及者但在表示時一般人尙不知其另有他意待至十日早馬氏直往側近之祥鳳橋河投水殉情親屬聞耗往救則彼已作波海之臣矣現仍未將屍撈獲路人聞之均嘉其義行本地方首人擬予陳述政府請求褒揚不無可嘆云

報載蔣夢麟出妻而與其友離異之妻結婚證婚人胡適稱其勇敢予悚然異之及觀灌縣唐馬氏之殉夫又不禁肅然起敬也嗟乎世雖昏亂而

天理終不能盡滅人道終不能盡泯正氣終不能完全湮晦彼蔣胡者直  
狗彘耳彼安知天地間固有所謂威鳳祥麟者乎 編者識

華陽縣縣立職業學校農科第一班學生暑期生物採集旅行記

民國二十一年夏七月十四日晨八時本科主任何先生澤舟率領全班同學  
攜採集箱昆虫網臘葉板及一切旅具整隊出發至中興場早餐所經區域多  
屬稻田虫類稀少前行過童子場由是漸登邱陵谿壑間野花蜂蝶多可採者  
同學紛入側徑窮搜苦逐競納於各組之箱中半抵蘇碼頭寄住於仁華共  
立學校承教職員諸先生懇懇款待頗覺利便午后本校國文教員程春渠先  
生聞信過江來會稍憩引同學渡西岸沿江而北行榜菩薩岩山麓至臨江寺  
道間林木繁茂所採昆虫草類不尠憩於程先生家祠左有教室右爲廠房將  
設工場以爲程氏族子弟工讀之所意至善也庭前古樹參天仰視始知爲

銀杏嗣集主客於階前合撮一影歸途登菩薩崖路短而坡峻常履坦途者非倚杖不可行及達絕頂極目而東遙見東山迤邐而南起伏似波形迴首西顧則見斷雲間蔚然嵐障奇秀聳拔似爲九峯晴空晚照省市蒼煙飄然一縷狀若遠洋艤艖駛於萬頃綠濤中入廟寂然仰見明萬曆乙未年南川王府立石坊題額爲雲龍禪林殿左懸五金合鑄古鐘一口同學某君叩以傘柄其聲鏗然餘音幽揚而清越或謂頗似伏虎寺之晚鐘殿右陳銀銅合鑄彌勒佛一尊古色斑爛呈瓷釉光采眉宇生動笑容可掬後殿釋迦塑像殊靜穆目光微露貌極莊嚴足徵前代藝術之優也穿林而出俯瞰木馬綿延東走仍遵故道而歸晚餐後稍憩即寢十五日晨買舟東下約二十里將抵傅家壩舟過虎頭崖下仰望山間行人長約寸許有持傘者狀若叢草中所生菌蓋旣而人出傘露持巨扇遙指江中行船似欲有所言者衆注視良久見其益趨下近岸乃知爲

程先生與其僕人至此遲余輩佇望久矣即命舟子泊岸舍舟登山盤旋升數百餘級達極頂程先生指示山陰起伏迴合之狀蓋卽所謂筍箕蕩也宿聞是地多果樹土沃而勢宜乃繞林越溪南行得鄉農引至蕩口左右顧盼所有李梨之屬率爲副業栽培僅畦畔間成列而已土色深紅而微紫粒質層厚傾斜和緩山垠環抱密接恐有日照不足之虞嗣詢知地價甚廉或卽因此也沿溪捕獲昆虫不少徑仄而迂迴前後行侶時爲玉蜀黍所障蔽常鳴笛相呼喚恐有失也繼復越一嶺而北行數里抵藍家溝途遇孫君澤豐君嘗學於農學院何先生之弟子也聞先生將率余輩到此特自傅家壩來迎入場憩於同學楊君族人所設茶肆灼日中跋涉山道逐捕飛虫攀藤躍澗汗滴如沐體膚蒸發過甚啜茗亦若玉液瓊漿休息良久出場東行穿松林乃折而西北下山山之麓叢竹蒼鬱其前隱約見碧塘一區茅廬數椽蓋卽雲水山莊程先生讀書

講學處故又名樸學舍雲水先生別字也先生賜食午餐并爲說此間形勢產物更示槐軒先生畫像與自書像贊及豫叟所跋雲切先生楷書一帖又出示照片冊頁乃吾邑志乘所撮各地名勝古蹟先生適董其事而將爲之記復詳爲指說不啻身臨其境先生平日誨人大率如此日將沒請龔雪農先生出攝影具留影誌念遂辭去過稻田遵江岸而北行至蘇碼頭渡江魏校長治平先生佇候於東岸捨舟隨魏先生沿江仍北行遙見古木挺立即魏宅前之樟木也魏氏族人居於此宅地林園共約數百畝背山臨水據形勝入宅稍事休息先生知同學疲勞乃食以粥餅佐以燕歌音片精神頓復同學皆大悅甚有攜球拍入場競賽而忘倦者乘月夜歸宿於仁華共立學校十六日晨六時步行至中興場早餐途中略有採集中午返校整理標本十七日星期休息十八日黎明整列於校庭由何先生分配剪定缺臘葉板捕虫網採集箱於各組魚

貫出校向東北行二里許卽登淺山紛紛開始採捕抵高店子氣溫漸昇熱於  
是用茶點并電蘇碼頭通知程先生請來會於成都同遊桂湖途中所見作物  
多番薯草棉玉蜀黍膏粱之類果樹則多柑橘類草棉概與他作物間植品種  
本非優良攷其肥培管理似覺未當故其品質粗短色澤亦不純潔嘗聞工科  
主任黃先生謂此間棉產纖維只能紡成十六支之粗紗吾校將試種省外或  
國外佳良棉種並須配送籽種於附近山區農民勸其試種再由吾校收買與  
本地種混合紡成較細之紗以供工科織造之用故於沿途所見棉田特留意  
攷查其土質與其根莖發育狀況而與所學課業相互印證殊感興趣并聞鄉  
農云此間果樹園地過半爲清代馬廠田民初由財廳競賣多爲省會官紳所  
購置惜其但知邱陵礫質粘土之宜果木栽植後卽付諸佃農之手肥培管理  
似覺未周故其柑冠單弱蘇類地衣瀰漫幹身黑煤病與疥殼虫觸目皆是同



學擬於將來組織巡迴講演團請何先生領導凡關於作物之改良品種園藝之改善經營一切利害得失作淺近切實之談話俾鄉農知所更張而增近其產物之質量或臨場使用新式農具實施耕耘灌溉整枝摘果驅蟲接木施肥諸操作以示新法并不繁難而確有利當即陳述此意於何先生頗以爲可更北行五里許越東大道抵同學薛君家其尊翁琢成先生及立丕同學伫立迎於門外由教職員先生率領同學整列於宅前圃場與主人相見禮即登堂休息早餐後至薛君所營柑橘園由何先生執剪命同學環立見習夏季剪定反覆指示至爲詳盡亦主人之所願聞也次行經鑿門鋪參觀洋菌栽培惜其窖室因雨塌毀未得見其發育實况爲憾次經沙河鋪赤日行空汗涔涔下抵省立農事試驗場初見入口甬道兩側杉與銀杏皆極茂盛似大有可觀者在次折而東北左爲苗圃右屬果園行間密植糧食作物雜草未除幼苗概爲所

蔽傍河有簡單之風面計次入蓄舍見美利奴羊圈內糞穢狼藉狀極可憐餘更無可觀者蓋普通農家之不若衆殊失望廢然出場嗣聞省立機關率皆絀於經費故亦無怪其然也至得勝場何先生招待午餐稍憩入城至工科同學劉君正元家整理標本傍晚校長治晚餐饗同學夜假宿於本縣公安局十九日晨七時乘汽車出北關赴新都八時抵桂湖憩於杭秋縣長王叔培先生到此招待早餐十時颯風急雨雷電交作花樹摧折無算歷時許雲斂風靜荷香撲鼻同學仍分組往捕昆虫亦略有所得究不若快晴時多午后由教職員先生率游寶光寺見門首石獅台座偏移寸許相傳爲去歲北人之有武技者顯示身手所留遺跡門內四天王塑像偉大森嚴繼入羅漢堂見玉觀音來自緬甸云堂內各尊者貌奇古就中有被袍者據云爲清帝某某抑或當代崇奉佛法籠絡蒙藏之一種懷柔政策而有是歟晚由王縣長招待宿於桂湖寄宿舍

二十日晨天雨由校長率同學攜雨具踏芒鞋整隊出縣之西門礫石舖道尙未鎮壓殊不良於行至天星橋雨加劇憩於茶館同行之無傘者購竹籐笠或則更換草屨並交相更負箱板網具繼續冒雨前進抵三河場各購土產薑糖少許並進早餐由是而南皆淺坡坨黃色粘土泥濘沒脛幸我伴侶人衆沿途談笑呼應頓忘疲勞至駟馬橋濯足更履入城寄行囊於公安局次至通俗教育館參觀各陳列室傍晚由鄧南李三先生招待晚餐於桃花源飯畢同學半訪戚友半宿於公安局二十一日晨出東關返校整理標本計獲昆蟲四十餘種共百數點植物百餘種共三百餘點內有重複毀損者悉屏棄之此行先後兩週徒步百數十餘里多識昆蟲草木之名獲益匪淺兼以雨暘不時於身體之鍛鍊尤饒興趣又越日農科第一班學生李文煊乃爲之記

每本收印  
刷費一角